



UNIVERSITÄTS-
BIBLIOTHEK
PADERBORN

Universitätsbibliothek Paderborn

Quotidiana Christiani Militis Tessera

Stanyhurst, Guillaume

Coloniæ Agrippinæ, 1710

11. Dies Januarii. Ingens intervallum inter te, & cæteros fiat.

urn:nbn:de:hbz:466:1-45477

II. DIES JANUARI.

Ingens intervallum inter te, & cæteros fiat.

Seneca Epist. 53.

Ut cum gratia I. **S**I tibi certum est cum Deo, & Dei Gratia operante coopereris, necessarius est aliquis secessus. operari, curæ tibi sit ne vivens cum vulgo, opera tua sint vulgaria, Potes cum Dei Gratia omnia, quid super est quam ut ejus ope, antecellas omnibus? Hoc est, quod intendo tibi suadere, ut concedas non esse quasi unus de multis, sed inter multos singularis. Sis in mundo, sed non de mundo; in terra, sed supra terram; in corpore, sed quasi extra corpus, cum hominibus, sed quasi sine hominibus. Paucis ut complectar omnia, ut *ingens intervallum inter te, & cæteros fiat*. Sic vive, ut cum desinendum erit vivere, te vixisse, nec ob fœditatem pudeat, nec ob perversitatem poeniteat. Sic vive, ut posteritas sciat, te vixisse. Sic vive, ut aliis sis vivendi, non tantum quod intueantur exemplar, sed quod imitentur exemplum. Sic vive, ut mori te posse judices, non extingui. Sic vive, ut sis potius vitâ melior, quam famâ clarior. Ut in hac vitâ mortali, magnâ animi excelsitate efferas te supra id omne, quod est mortale; & sic libera voce dicas cum Poëta: *Non est mortale, quod opto*. Ad hoc te ducam fastigium, & quod mirere per temporis, & laboris compendium, si lubeat audire, & non pigeat sequi, quod suggeram Consilium.

II. Cùm ubique plurima sint homini, ab homine mala, ut declines mala, & sectando bona, evadas bonus,

nus, necesse est ad tempus secedas ab hominibus. Rari inter homines, homines sunt, aut hoc agunt, quod agendum, id est, quod Natura, Ratio, Religio suadet. Ideò nunquam eris minùs homo, quàm in turba hominum. Imò non tantum cupio secedas ab hominibus, sed à rebus. Fuiſti hæcenus inter catenatas occupationes otioſe negotioſus, & dum omnia egisti, nihil egisti. Inter tua, non fuiſti tuus. Palabundus animus hinc, inde late extra ſe vagatus eſt. Atq; ita inter multa fuiſti multus: fige tandem pedem in uno, ut ſis unus. Et qui te negotiis non accommodaſti, ſed tradidiſti, te tibi redde, & ad te redi. Non eſt quod expectes immixtus turbis; niſi in corde turbas, in mente umbras. Eſt enim turba plebis, turbo pacis. Sic enim modò vivitur, ut in plurimis hominibus, vix quidquam reperias hominis, præter figuram corporis.

III. Illud exiſtima extra omnem dubitationis aleam, fieri non poſſe, ut quis menti ornandæ, & inſtituendæ ſerviat, niſi ſe ultrò ab hominum ſocietate, commercioque abducatur. Tunc demum vacabit tibi, vacare bonæ menti; nam ipſius Ethnici, Philoſophi calculo, (a) *Omnia impedimenta dimitte, & vaca bonæ menti; nemo ad illam pervenit occupatus.* Huic accedat Iſidori ſuffragium, quaſi Sybilæ folium: (b) *Qui à medio communium rerum ſtrepitu non recedit, & otium non agit, Dei cognitionem aſſequi minime poteſt.* Recte: Nunquam eris minus à Deo deſertus, nec magis coram Deo deſertus quàm in deſerto. Deſere igitur omnia, ut reperias unum, in quo ſunt omnia. A populo ſemotus ad teipſum

(a) Senec. Ep. 53. (b) Iſid. Peſuſ. l. 1. Ep. 402.

sum accedes propius: Cum antiquitate versaberis: meditando, scribendo, legendo, horas utiliter distinguas, & dies duces, & in otio Sacro occupaberis. Nihil enim simili otio negotiosius. Sic æstuantia multorum vota despicias, erigesque velut è nube caput, atque serena contemplaberis. Denique quam es intemperanter cupidus quietis, tam sis certus, nunquā fruiturum te quiete, nisi ad amissum observes illud Allois Abbatis monitum: *Non habebit homo requiem, nisi dixerit in corde suo: Ego, & Deus, soli sumus in mundo.* Ergò ut quiescas.

Vive Deo soli, quod amat caro, querere noli.

12. DIES JANUARI.

Tota vita mortalium, plena est peccatis mortalibus. *D. Innocent. de contemptu mundi.*

Ad seces
sum Sti-
muli,

HÆc tessera canit classicum, ad illum, quem suasi secessum. Quis enim vel se dolet peccasse, vel proponit non peccare, non fugiat ubi omnia sunt plena peccatis, vel peccandi periculis? Quis securus sit illo loco, ubi Virtuti nullus est locus? Ubi exemplis malis, & consiliis pravus est imperium? Ubi inveterata in malis consuetudo, lex est? Quasi quidquid placet, deceat: quicquid delectat, expediat? Quid in populari fremitu, & forensi strepitu reperias, nisi contentiones, adulteria, fraudes, injurias, furta, rapinas, homicidia? Ubi sine gubernaculo est navigatio, sine baculo senectus, sine freno juvenus, sine duce cæcitas, sine solatio calamitas.